

四庫全書

集部

欽定四庫全書

集部
升菴集卷二

詳校官編修_臣錢樾

中書臣劉源溥覆勘

總校官原任中允_臣王燕緒

校對官學正_臣李巖

謄錄監生_臣于時和

欽定四庫全書

集部六

升菴集

別集類五

明

提要

臣等謹案升菴集八十一卷明楊慎撰慎字用脩新都人大學士廷和之子正德辛未進士第一授修撰以議大禮杖謫事蹟具明史本傳此集萬厯中四川巡撫張士佩所訂賦及雜文十一卷詩二十九卷又雜記四十一

卷蓋士佩取慎丹鈔錄譚苑醍醐諸書刪除
重複分類編次附其詩文之後者也慎以博
學冠一時其詩含吐六朝於明代獨立門戶
文雖不及其詩然猶存古法賢於何李諸家
窒塞艱澁不可句讀者至於論說攷證往往
恃其強識不及檢核原書致多踈舛又負氣
求勝每說有窒礙輒造古書以實之遂為陳
耀文等所詬亦可為不善用長矣乾隆四十

隆四十六年正月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

少谷集卷一上

明 鄭善夫 撰

騷

汎太湖望洞庭

太湖風兮白波瞻望洞庭兮森雲蘿擷杜蘅兮水中吊
范蠡兮山阿目盈盈兮不極美人遠兮柰何渺予懷兮
夕陽聽不可兮吳歌

鳳山辭

義興杭世卿厥父省齋厥母王將即于鳳山故

宅為作鳳山辭一闕

夫唯山之效美兮紛衆萬之淑祥有振振之令鳥兮絢
采采之文章涓高梧以營室兮口卒瘁而周皇殷九苞
之未誕兮軒遠翥而求凰陸海邈其伏陰兮屏爾類以
自臧大網結于中野兮二苞格而鳴岡徙阿閣于戾止
兮披晨曦之耿光嘒祿運之倏窮兮翳冲漠而遥翔奇

氣宕于六天兮，毛衣委于故邦。羣鷗倨以自邁，衆息下其如僵。苟靈光之弗泯，雖捐性其奚傷。諍曰：予悲夫雲和之曲卒不續兮，顧此鳥之永遺。豈四靈之不有兮，世蓋溷之以蠃蚌與螽斯。

賦

大風賦

繫大塊之噫氣兮，駸獨蘊此颶風。蓬蓬而起於北海兮，乃震蕩乎四窮。礧礧如雷霆之行地兮，萬鳥噪而不

集神龍孽螭赫然怒兮霖雨沛其來下使海水而立雪
山兮何舟楫之能持神禹之不可思兮令陽侯而不來
崩龍門而豕峽兮浪滔天而不泄也天地忽而變此容
色兮將何物而不拆也哀萬物之肅殺兮夫誰而能遁
之何皇天之好生兮漠乎余將問之東園之樹兮爾自
今其蕭條小者拆而大者傷兮豈天命之已當飛砂走
石兮日慘慘而無光氣矇矓而不長兮余蓋疑此洪荒
昔堯舜之在上兮乃令九年之涿水將聖明之撫運兮

亦丁乎歷數之陽九惟德弭變兮念天心之至仁神武
之誅暴兮氣至極必溯而四出凜霜冬沍兮中實藏此
陽春余悲乎松筠與桂叢兮實余私之所鍾且日就于
沮傷兮何時蒼鬱而余同亂曰天時有序君子之常君
子齊德備此耿光分外之事余何計量修彼墻屋葺我
室堂天下廣居猗爾樂康

愍竹賦

嘉靖癸未秋日載暎具風破條震蕩逾旬余桑

亭園有竹數叢老幹新篁日見凋折余甚悲之
無是君子相殘之應也感而賦之

余索居而寡儔兮卧桑梓於汭濱開三徑以候益兮洵
有志于古之人感杖杜於周詩兮胡賢者之我親樹篔
簹以終晦兮修孔氏之四隣抱嶮谷之古音兮持至和
以為度重纍纍之懋實兮鷓苞式其來下篁脩以脫籜
兮其衆美之攸同日比德而連類兮竊獨葆此歲寒何
終風之戒木兮悵獨食此險艱續衝條而折柯兮連宵

斯其不伏何金玉之琅琅兮乃變此殺伐之餘酷皇天
震怒苟罔不摧折兮松栢則介而獨留余悲夫同類之
相攻兮况復值此凜秋麗洵美於三益兮遡前古而則
爾吾清明之內懼兮蓋君子而相詆嗟芝蘭之難榮兮
荆棘麗而附資縱向背之匪同好兮不愈於槿蔕之與
葇蒨諍曰皇天之罔攸好德兮自叢桂而伐之梗楠之
十圍兮風拔之矧此懋節兮非濁世之好也豈細德之
不可崇兮嗟未聞此道也

四言古詩

古戰場

朝發汾河暮經白溝茫然戰場四時為秋黃雲阨關壯
士不憂拔劍斫地戰骨無收風沙冥冥髑髏嘯歌鳥飛
不下客行奈何世無鳳麟龍虎鬪爭誰哉弄丸四海解
兵

葛歌二章贈孫太初山人

葛歎葱葱在彼澗濱歲茁九花世人不紉秘之潁谷以

俟雲君念彼蒹葭蒼蒼廣津

其二

菖歌青青在彼原隰歲茹九節可以絕粒華滋寂寥爾
乃獨立世無神皇鳳衰麟泣

野田黃雀行

玃玃黃雀集彼榛柯上有鷺鳥下有虞羅低飛不可高
飛奈何曷不去此野田有禾鵬雛搖搖隼則制之兔置
纖纖鴻則罹之龍潛在淵可以全身壤蝮不屈何以引

伸朱鳳威垂稠羽是依鷓臯化之矰弋安施

梁之石操上楊國老

梁之山兮岳岳其砥石之磐磐興雲及雨膚合之施其
誰弗被立天之中君子不匱天常西虧地亦東潰我不
爾莫曷其有位大皇時行大浸時滋懷貞用敦君子以
幾

夢井歌二章

有引

昨夢井水溢地上甘而潔列於荒墟心惻然也

占曰井水溢施弗窮也甘而潔用適中也潔而不食道弗庸也明王已興而列諸荒已焉哉作

夢井歌

井之京京其出淵淵汜至不繙謂我叵泉甃如慕如我
夢乘如寤懷載且維以永戲

其二

井之淵淵爰是用汲王明王明受此戩福潔而不食於
井何傷君子之履不遷其方

白泉二章贈汪希周

湔湔流泉行彼地中燦為星宿麗爾雲空萬殊之母直
遂涵弘賁以正本蒙以養功君子果行丕顯其逢

其二

湔湔流泉瀲瀲濫觴積為江漢博大以剛彼王者明受
福無疆神龍所都厥澍載滂君子利用何往弗臧

少谷集卷一上

欽定四庫全書

少谷集卷一下

明 鄭善夫 撰

五言古詩

飛龍引

採銅鑄寶鼎煉作九還丹服食壽長生長生千萬年白日跨飛龍宸遊上九天如何鼎湖路一去無時還君子貴返終仙術諒非難方士費論說彼心詎能安秦皇與

漢武黃土高嶺坑

遊莆中麥斜巖

陵坡回嶼風楸枰淨如沐戒言尋浩渺聊以散沈鬱况
茲二月半芳草萋以綠青霞媚遙天烏巾入殊俗嶽崎
麥斜巖幽人有高足懷賢招艾軒探真小樵谷世緣夙
已斷碧嶺不可辱若看南昌尉去去從所欲

其二

麥斜何蘄蘄茲遊愜心魂石洞入窈窕不說桃花源白

雲走平地崇岡亦崩奔松篁翳重陰境幽判寒暄天關
手可摩始覺所歷尊赤城去不遠玉禾行當蕃相期馬
子微於此採靈根

登雲居山二首

貪清不自愛歷歷疎遠目緬懷雲居勝駕言陟層曲
料適斧斤岐徑積撲檄雲棧紛當心不敢輕落足捫枯
驟戰兢披荆逾匍匐疋羸無奈何况復迷浚谷雖無瘳
莘警詎測蜒蚪伏少焉青霞深轉思白日速山海信偉

觀何以慰予予我行孰驅迫自致窮途哭伯陽不出門
世路了如燭願昭錢子誠或免華山辱

其二

撥奇頭欲改禹穴未得傍忽慕麥斜巖玄境足佳況連
峰削芙蓉石門天下壯實當復修織天聲落屏嶂雲居
獨奇絕遐思愈飛颺以茲發高踪力欲排雲上百息徑
嶮艱一眺極沆漭鷓鴣稅仙驂芝蓀洗凡狀試按山海
圖一一皆不妄雖然羸瘵成已過平生望應悲蜉居子

兀兀坐盆盎吾將從盧敖直與雲露抗西凌崑崙風東
薄滄海浪前期邈悠悠拊膺以惆悵

下何嶺

雲居不可升塞型眇天上颯然下何嶺歛若墜青嶂數
日愁險艱及此愛平曠林墟相維亘川原亦排蕩春容
麗華滋百草不相放躊躇谷鳥喧坐失青藜杖山中勝
事繁林叟重揖讓豈無山水癖筋力故莫彊粟里在人
境君子有未尚

溪上

南行遵溪許流景何楚楚溪毛繡藻繁游魚聚相煦錦
石亦參錯綠髮明可數小者如卧羊大者如伏虎飛湍
所磨蕩兀兀自太古叢薄交深春不但蔚榛楛茲遊倦
登陟到此一延佇況有令主人意氣不為忤擔囊輕百
里一一適我所春花未終極豈即懷故土錦江非不佳
人情薄如楮西遊杜陵老安得免愁苦

復晴趨仙邑

晴光蕩游目一雨山逾碧
倏然戒晨征乃爾騁雙屐
修林靜宿氛故術沒行跡
僕夫重遠路賤子有奇癖
南循抵仙城北放蘭阪
陌波頰行有需朋曹意安極
我生無漫游允得就三益

古意三首

蓬門霜雪繁玉顏苦禁當
稍識春風面春風轉斷腸

其二

蠶盛不理粧露采陌上桑
但知織作絮不覺年貌傷

其三

寶鏡皎如月價值千黃金偏照可憐色不照可憐心

甘泉子

客有羅浮君羽衣行翩翩長揖謝世事鍊性三十春
沈瀝不滿口貌如藐姑神問道廣成子空同高嶙峋
挂瓢倚樹枝振鳥天風門謁來弔延陵晤言東海濱
示我紫戶術挺身入層雲誓將結瑤華引手長相親

子夜吳歌九解贈殷近夫

郎今落海濱儂亦可憐身不見昌陽草何曾生要津一

解儂身不下堂郎居隔江水雖則隔江水思心日萬里

二解

昔別於何時十載參與商豈是無所見狼喙夜夜

張三解夜夜撫素琴惻惻生怨慕枯桐在膝上梧子在

何處四解融融四五月婉婉采蓮女海上無芙蓉誰則

識蓮子五解低頭摘荷葉舉頭看月光歸來覓剪刀為

歡製衣裳六解終日對海棠終夜不成寐何以不成寐

花開儂獨自七解登樓看雙星蜘蛛在樓角綿綿腹中

絲求匹不能得

八解

歡去一何久歡來一何晏來時何

所贈雙雙雲錦段

九解

吳中吟二首

出自吳東門遙望姑胥臺望久無所見回風慘蒿萊圖
王志未就神木生劫灰三復春秋傳英雄使人哀

其二

越女進館娃楚囚落天涯二物不並立海水漂鷗夷湛
盧南入郢神物竟先知吳宮八百年旦夕遊鹿麋緬晤

喪亡主豈盡庸以誥

冬日同顧九和殷近夫孫太初顧與成汎太湖

震澤夫何如歲晏意自好天風吹玄冥雪浪入浩漻
鼉浮山岳白日搖晴昊洞庭渺林屋流水隔煩惱昔有
綠毛翁於此採玄草風雲白石牀鬼物為持保聞茲長
道念攜臚事幽討平生竹溪逸矧是同懷抱相從捫綠
雲坐聽啟鴻寶終當吸沆瀣去去遊亭藪

江上送殷二秀才

金匱要略卷之二十三
卷一下
觀子在逆旅失子在歲晏一似南飛鴻一似西歸燕繁
露戾修林終風捷如箭過冀趨所期殊方卒相見物情
異冷煖人事阻華面遲余玉門春子復穴梁殿

元日

東君御征轅玄冥迅回車溫風倏爾至古梅茁其葩桃
戶新受符蓼盤香團芽感此念故里兼之懷年華爰蠶
浴弟兄問歲話桑麻二期走逋旅簪紱生嘆嗟坐茲失
初服五內長負痾兔窟有穴狐凰木亦棲鴉悟機貴在

蚤勿令負雲霞

放舟荆溪尋張公洞不果歸至渦湖起步長橋望

煙景放歌

日晷于東馳羈人復北征鼓舠下荆溪言訪張道陵緣
薄扼事艱意短迴修程稠年戒襟素履茲荒志誠坐令
紫霞居遠隔於青冥所賴渦湖好煙景疏天聲躑躅騁
瞻眺稍慰滄洲情青鏡不肯私金精幾時營寓形若流
電空懷紫金經

金史卷之五十三
卷一下
河上送鮑使君

柔風協河洲，回飈被泗瀆。賢軺指玉衡，過門不停軸。結
交何所將，解我雙英轂。豈無錦繡段，感彼並朽蕞。希君
復自愛，勿使輜出櫝。

貧女吟八解

南陽有貧女，抱甕立水澳。趾短泥濘修，挽衣以寸寸。自
言良家息，淪躓類草木。亦知奉壺範，誰與周甃獨。一解

甃獨誰與周，室中無儲遺。閉戶理機杼，苦樂中自知。揚

聲度昏旦糝糟轉無時豈不愛綺羅迺有杼軸悲二解

杼軸曷足悲感往思維谷三年喧格鬪肉骨不可贖非

無好里閭處子有約束失時當告誰甘此守饘粥三解

東隣有嫠婦宵旦當戶哭良人淹戍邊存否不可卜近

聞邊釁起百萬化魚肉生離云有期死別竟何續四解

西隣亦送女夫婿輕薄兒朝捷忘歸矢暮挾青樓姬床

頭合歡被桁上嫁時衣悠悠百年思采菲生怨咨五解

南村有棄婦曩亦誠雖肅夫君心不同入閨轉見逐白

頭且勿唱綠髮頓空谷榆蒲悴高秋却怨飄風速

六解

北里多豪華服御紈與綺張幕集權貴炮熊炙文鯉妙
舞襟燕趙徵歌遍梁楚豈無良蹇修妾心自不爾

七解

鳳凰棲梧桐下食青琅玕鳴鳶鷲腐鼠但識彼所歡人
情競刀錐豈識達士賢庭槐鳴周周微音向誰宣

八解

義鳩篇

端居肅元府永惟玄化機神理固有惑衆萬詎能違荆
植紛總總氣感率有知無論大聖狂咎休固其宜荆茂

于義音烏馴以孝思細德亦鼓物而况鳳與麒戒言彼
狡童胡自決德基達人上內植履祥復何疑

贈黃肇三首

終風勁柔條遊子返故鄉兄嫂糝藜羹慈母縫衣裳離
觥載恻惻平旦天一方來忘楚塞遠去覺閩山長

其二

來如秋空鷄去似春泥蠖春泥何淤沮百足進復却人
情鄉邦好歸客何蕭索室堂雍婉變殊方信不惡旋颺

掠檣烏骨肉臨當圻

其三

上林未揖讓廣莫進癘瘴大江不可踰坡陀莽翻蕩入
門報所親何以慰惆悵庭萱蕤有永塞鴈宛相望

夏日闕庭見鶴

景風薄梁殿銅雲遞玄虛侵星不櫛髮入直承明廬竭
來雙白鶴蹒蹒下彤除竦身舞飛容揚音結長吁物情
含所因悲鳴胡為乎曰余覽幽經覩爾情不舒霜毛麗

藻質豈受泥水汚內飫土木氣外有金精敷盜泉非吾
願腐鼠安足圖緬惟玄圃驂迺是青田雛言茲非世畜
何以羈此都誤入燕雀網遂被樊籠拘委質太液池昂
藏狎鷗鳧崇朝受餅餌向夕聽傳呼以茲抱懊惋寧復
競盈餘冉冉積年歲玆玆向盈盂豈無四海心所惜六
翮疎顧惟鷹犬坊豈乏耳目娛矜春有雪衣絕地復的
盧終當返真性去去翔天衢一舉歷五岳再舉遍九區
翛然逐鳳凰下來瑞唐虞此意良不極流光倏于徂麟

傷古亦然聊自遣煩紓

夏日嘆

長嬴何蒼涼大火不烘爆燭龍西北死跋烏東南盛遲
遲凌曾桑忽忽下蒙谷鈞天不敷華羣陰豈全伏金星
似火赤未肝即動角應感陰沴盛轉訝日晷促羲和職
業廢寒暑事反覆麥秋猶寒衣締綌未即錄雄風來蓬
蓬慘怛蜚大屋揚霧清晝昏愈覺白日速迅雷不發榮
虺虺振坤軸三時無雨澤何以升五穀螽蟥復不仁延

禍到樸檝近聞河內外數載茹草木更兼豺虎繁死者
十五六諸公樂安穩羣倖厭梁肉萬姓亦何罪坐使蒙
螫毒以茲和氣乖無怪邊釁踈天人象已顯巖廟計須
熟緬思弘治化歷歷在耳目燮理得所司氣候有攸屬
八風率順序五緯不愆轍廿年宣重光萬國昭玉燭平
路生廣庭筮脯出荒服所以覆幬下老不聞殺戮中遭
屢更變美意尚可掬勗哉柱石翁弘治是適卜狂夫不
解事豈敢糜廩祿倉皇祀人憂凱切麥丘祝但願麗大

明末光普曾曲

題九峯書院

圓象序興沒大道茂消沈濂伊冥契後作者紛林林石
鼓未榛莽嵩陽亦嶽峯九峰復何如夫子重幽尋結架
雲霞交討求松竹陰探真破衆眩集虛嗣希音川注理
有託物化情迺任鏘鏘廣陵散寫之龍脣琴閉閣綴道
論永為後賢琛曰余早迷誤捷徑坐滯淫竊昧無窮門
浩蕩糾寸心睠言摠裳衣畢志遵所欽

贈潘子四首

俚子習巴唱佳人奏陽春懷仁出湘浦信美乃寡倫心
期不自媚持以奉明君上絃協鳳吹下絃泣鬼神邊地
霜霰繁剛風凜以辛但恐變商徵指詰不得伸躊躇廣
廡下此意難重陳

其二

大道久湮閉王英改波瀾時流習玄默危言伏禍患君
子守貞亮所貴殉世艱嚴霜被廣域朱歲駭前觀嘉卉

亦摧顏而況草與菅茂子竹栢意慰我樗櫟顏春華諒
峭清表之在歲寒

其三

念昔與子別繁霜結崇榕猶懷烏石鑣復轉并州蓬昔
也辰避參今茲燕離鴻羣生固無極百齡會有窮平時
所交友昏晝誰則同蘭苔向披靡玄曜豈恒中子其保
光惠遠行慰恍恍

其四

浮金肅叢薄黃落棲廣墟念子事孤往煩憂結不舒斥
鷄足蓬蒿鳳凰則高梧誼雅苟不易豈必均所趨志士
貴努力丈夫行棄縞

東海有一士

東海有一士被服雲錦裳饑餐炎洲霞渴吸瑤池漿鶴
馭何翩翩九垓一相羊朝發崗崑野夕憩沈黙鄉倦言
與汗漫抗臂窮洪荒九州雖云大視之如室堂紛紛尺
蠖徒看彼鴻鵠翔

黃伯固

黃郎遜世士抱影處空谷擷芳上木末采藻立水澳妙
善難可隣歲暮守幽獨懷姝匪自媚出門重結束風雲
一撫念故術草豐蓐鄙夫附丘阿達者從所欲康樂營
石門知章疏刻曲存道苟不貳豈貽山靈辱

秋夜達王員外時行

涼風升寒節切切充重幃堅冰戒時至鴻鴈明其幾春
滋淨不處秋隼方高飛鑿物沈幽志誰能不懷歸素月

臨丘榛灼灼澄圓暉圓暉豈不愛零露沾我衣遲我同
懷子濡滯尚安之呼琴為子鳴調苦使心違不恨歲載
徂但恨知音稀盈縮本恒理傷哉生別離

初離京邑留別諸同志四首

陳車遵城闈振策導廣路仰盼孤雲征俯見流波沂感
念平生懽豈以杯酒故羣居不自覺相失增怨慕川河
引舟楫陵陸曠煙霧重艱難可尋努力敷襟素

其二

金史卷一百一十三
卷一下
浮萍戀故波離鳥思故林故林既得期儔侶無遺音與
子共朝夕奚堪更商參山河日以邈霜霰日以深鴻麟
無時至安能訴幽襟晤好諒有時迅節忽載陰願言敦
明德白首慰離心

其三

馳車太行坂北首入楚澤迷途不早悟困頓安所適爵
服載憂患趨者何充斥流俗日向靡胡為重濡跡京塵
復何長不見所緇白凡駘御文輿赤驥且辟易誰能違

衆好共整東山屐

其四

長歌逾薊門，凝眸眺崇京。
陵闕何崔嵬，馬行令心怦。
雖云返鄉域，不獲偕良朋。
勞勩無勁翮，斷鴻有離聲。
幽期莫可並，沉慮獨拊膺。

見蜚鴈

涼風動沙磧，朔鴈至紛紛。
為避陰山雪，衝楚澤雲。
嗷嗷清作籟，總總字成文。
意適稻梁得，心驚弋彈聞。
時縣

出塞夢宥妬下鞬勛遠愧青田鶴高飛絕世氛

謁留侯祠

吾慕張子房乃是紫霞客志士有苦心麟趾暫驅策功
墮博浪沙折節下黃石談笑用漢祖畢志任所適神山
逝朱鳳鷲鳥空累百

大雪行三茆山中

解束悟服食營慮結山水比聞三峰秀賚惟一來此同
雲布坤維六花漫不止升危滯遐蹤寓目殺高志真源

不可往罔域兼泥滓居凡殊所厭還丹亦難恃太虛本
宅無彭殤同已矣安得莊生達相與析玄理

遊煙霞洞天

今我忽不樂駕言結遊駟遙望南山木鬱鬱有真意崖
瀑垂素幢谷風擊繁吹洞幽無別踪白雲藹而至猿啼
修行暗徠闕樛枝墜山精綠羅衣見客宛自媚形遺物
不違真存道匪貳鑿茲泱心想去與衆俱棄

贈何仲默

何子生知姿弱齒咏鳳皇垂帷破墳籍一目能十行雅
調走鮑謝雄才抗班揚黃鍾一徹虛絲管空鏗鏘陸沉
金馬門卒歲泣麟傷賈生亦逢時杜甫終為郎古來聖
哲士位細非所妨光光大復山後賢永相望

贈近夫

石川山東品童稚只自樹昔探莊老窟終蹈宣尼矩學
術通天人聲華照區宇中年隸宦籍志豈屑軒組挂冠
四五載遜迹謝官府近因避虎豺復出圖三釜海邑方

用兵庶務紛蚤聚才閒借寇恂已見思何武吾觀江河
流喧亟惡足數

發越州

生無冠組分碌碌守迹遭越南十二月盡室復遠遭故
國眇天末扁舟薄言旋閩中地氣暖可免絲與綿舊業
雖荒蕪尚有一頃田他鄉困饑寒胡為重留連且聞江
海熟已不憂荒年此州固信美旅寓豈其然盤飧未易
邁薪水亦費錢雖得山水玩顧非負士便素癖厭人事

况乃居市廛毅然舍此去飄颻御風煙夜泊桐江雲放
歌漁父篇朝登富春山釣臺兩高懸如云迫遲暮頓覺
忘憂煎行復經武夷真詮落吾緣引手向紫霞高招控
鶴仙沆瀣亦可飽安能逐鷗鷺跼跼禹跡裏衷情向誰
宣

嚴陵灘

咄咄嚴子陵竟不能下爾迢迢富春山潤潤桐江水渺
渺窮居士皇皇漢天子當年布衣交一旦君臣禮渭川

罷釣綸莘野釋耒耜上賢尊天瑞所願贊天紀但非魚
水會往往委泥滓明王久不作吾道長已矣

憶李御史雲

憶昔在吳會與子共昕夕劇談例百壺醉咤滄溟窄晨
光倏不處人事轉淒惻子復苦羈旅子已作逐客鄱陽
波浪深南岳瘴霧塞鴻冥天萬里帛書經歲得誰知消
息來竟作幽明隔冥契既永逝今我何蕭摵曩時青蓮
花持挹化為石回首靈源山雲際且屏迹

故太傅于公謙

太傅出南方眉宇天人表曩在英廟朝謹論多了了三
邊正統末兵戈日倣擾先皇巡朔方敵騎伏潢沼黃雲
阨塞垣仙仗迷周道法駕一蒙塵作意索金寶京城既
搖動和議雜紛糾公時贊戎機決策截瀾倒告廟定儲
君誓衆守隍堡耀兵向陰山直欲舉征討居庸扼咽喉
鐵馬豈得搗坐令敵計窮食盡師遂老翠華果全歸黃
屋免再造雖重獲罪戾社稷功非小功高反殺身於古

亦常有固由天威赫實為青蠅撓天日終輝輝即見是
非賒神衷啟後聖殊錫達幽眇憶昔靖康亂謀國何草
草堂堂宋諸良唯唯遵和好甘心拜仇敵所以至絕島
直書在史氏公節須皦皦

贈方豪

崑山天下士抗懷薄秋旻作詩接元白開口奔鬼神狂
來放厥詞妙得造化真習尚罕時好結交必古人三年
策仕版八口還憂貧民俗日向澆真欲回其淳尸名况

疾惡所以讒柄新鄒陽固得譴鄭僑終見親迷途墮老
洫誰辨玉與珉君看裳陵山萬古當嶙峋

須溪除日

茲夕乃何夕忽忽歲云徂南征歷寒溫猶滯天一隅去
年闔閭城今年姑蔑墟風塵久未厭豈得念故都懷中
兩女兒旦夕如長鳧出門初學語今能効屠蘇團欒豈
慰意惻惻悲隙駒比隣數知舊別後還有無爵服既不
情鉛汞亦我誣九野天浩蕩奄奄正愁予

贈周用賓歸江郎五首

峒峒三神山鬱鬱山上木叢株糝古雪雲際守幽獨附
枝中梁桷匠石豈不欲寓形萬仞岡沈瀆空中浴其名
曰冥靈千春葆芳躅桂樹亦歲蕤迺有斧斤辱

其二

衢陽何所有江郎兀南陲雲霞幻奇態萬古天為低飛
鳥莫可上人跡將焉為上有珠貝宮神物先陸離吾將
遊其樊薄言采玄芝

其三

翩翩黃鵠鳥頓足珠樹林誤入燕雀網稻梁非宿心羽
毛日摧頽逝節已載陰終焉摩青天高梧結珍禽秋風
下木葉各奏世外音凡鳥空嘈嘈角鷹扇禍淫玄陰一
解散求友意何深風翻或相及無忘寄幽襟

其四

昔我歸山中敬訪江郎石相逢草莽間意氣兩測識電
露無恒期煙霞有真色黃泥天雞沒感子何所適葛洪

以丹砂玄聖終沙磧通潛自天行達者固無室贈子白
雲篇心知詎宜默

其五

繁霜襲廣野怛怛失衆芳送子不及遠歲晏令心傷結
交豈在故所貴旦暮遇曰余懼天殄尚爾界覺路青山
何逶迤行子有所之異域雪霰盛勿使白鶴疑

讀李質菴稿

雅音失其傳作者隨風移於楚有屈宋漢則河梁詞曹

劉氣軒軒逸文振哀悲兩晉一精工六朝遂陵遲角然
尚色澤古風不成吹盧王號詞伯祇用綺麗為千年取
正印乃有陳拾遺或不盡反朴朝代蕪天資所以王李
輩向道識所期大哉杜少陵苦心良在斯遠遊四十載
而況經險巖放之黃鍾鳴斂之珠玉輝幽之鬼神泣明
之雷雨垂變幻時百出與古乃同歸律詩自唐起所尚
句字奇末流亦叫噪古意漫莫知歷茲六十紀識路良
獨稀鳳鳥空中鳴衆禽反見嗤夜寒理危絃惻惻賞心

違

贈吾謹五首

竭來潛元子，偃息蒼雲根。
懷姝三十祀，為亢遵世屯。
旬候翔虎羆，鳳鳥乃孤騫。
微榮曷足貴，所貴至道尊。
糠粃鑄堯舜，水虎伏玄門。
豈同曲轅櫟，遁天得長存。

其二

采蘭荒江陬，繁芳被羅襦。
采采不自媚，征途爰有需。
征途何遙遙，波嶺爭泗紆。
宵旦判辰參，歲焉可圖南州。

瘴霧塞城蹄下城隅永言守沉悔去去寧君軀

其三

南服有佳人遺身在遠道上衣雲錦燦下裳花萼繞容
華耀朝曦歲晏結芳草獨行誰與娛抱影心正搗豈無
合歡被附托苦不早楚璞思一獻和氏莫復保世無良
蹇修雌守以終老

其四

麟為希曠禎何以至魯藩大道久喪世麟趾在人間仲

冬鉅野風狃獍乃高蹲合圍不牙遺靈物罹其樊虞人
折爾足眩爾貂與貍豈但子鉏商魚眎乃漫漫大鵬息
南溟培風會高搏紛紛枋榆鷦安知九霄翰

其五

京洛貴遊子結駟康莊衢前麾擁楚舞後驟雜吳歛結
交盡侯門意氣陵上都玉食對虎側闇者適所趨寧知
窮巷士仄仄頓空廬冬裘不掩脛夕粟無斗儲阨抑曷
足悲主者顧乘除神奇化臭腐榮盛可久居子雲草玄

金匱要略卷之八
卷一
下
地千載名不渝

雙劍篇贈毛汝厲

雙劍在昆吾淬礪良獨勞年歲既已久況茲以鞬膏豐
城古獄下閃閃星文高雲遠一見收結珮事遊遨被以
黃金鞞繫以赤玉縑霜鋒按月窟萬里風雷號一劍乃
棄置埋照同鉛刀豈不愛光霽乖謬異所遭有時匣中
吼魑魅皆遁逃神物卒當合世人那得操君看延平津

糾糾雙龍交

岳江送汝厲二首

漂漂海上萍，卒卒梁間燕。與子結同心，何意異鄉縣。游
團散景光，譚討猥深眷。睠茲朱旻際，乃有此睽判川途。
何渺默年運，復流轉豈無繼。縷心王事不可緩，若當翔
要津。我且守迤賤，膏煎以自明。璞辱以自銜，願言況先
輝。勿使闇者見。

其二

西北日晡晚，宮觀凝寒煙。行子暮何之，駕言北之燕。前

驂結良駟後徒控華旃中興歌響發楚聲一何繁一闕
遠別離再闕行路難薊門無清塵易水有急湍曠士懷
明義天步故多艱賤子甘自營淪晦亦所懽乖期在昧
旦且復叙涼暄容輝無時及表之英琅玕

南山一株松

南山一株松衣被何嬋媿上馬絕雲氣下者抵流泉季
秋零露沍百草乃棄捐修條抗回風況結霜霰綠附托
一得所斤斧那得前所以保容華閱歲及百千紛紛蟬

居子豈知有大年

答毛汝厲侍御

仲夏夜向短忽忽不得寐所思眇天末鴻鴈冉而至佳
人隔湘波遺我雲錦字開緘珠貝光疊疊見深意綢繆
梅劍言誑諛膠漆地時危先金甲儒服久淪弊感子情
義重難以筆舌記念昔在京師邂逅意交質文章詎足
傳偏愛無妬忌逢人說項斯益見君子誼我生豈土木
嘖嘖賞風味頃來趣南方驄馬金絡轡僉僉表幹臣赫

赫天子使始識豸繡衣已褫魑魅氣如何駕鼓車乃用
此騏驥所幸日親爰慰我色憔悴公門數十尋不見所
深邃俯心下微賤此輩一騰沸平生詩百篇繕寫入篋
笥自愧交遊間何敢復當是鄙夫昧逢迎動輒得詈戾
遽意遁樵漁橫逆莽復熾非子善解排何以控軒輜凝
情外形骸奮舌略榮利豈無英乂者與我獨投契朱炎
射北林檣烏蕩離思惻惻茅原此悠悠出江涘樓船忽
復解我馬何當係江山一搔首天地雙揮淚君才萬夫

敵偉矣瑚璉器富貴何可言
勛名會多事九域悲風塵
三聖更烽燧球瓜莫華滋
短狐暗窺伺先帝在天靈
仗爾濟顛躓桓桓裴晉公
彪炳於史氏王通雖鏟采
戀闕心尚悶太平十二策
寂寥昔曾試持危良獨難
避色信所致古今賢達士
用舍各行志贈子猛虎篇
高歌髮欲豎

少谷山雜興

輜車入城府不染市道塵
賈山水部蒼石壁爭嶙峋
嘉

果自四時橘柚及棗榛樹木更茂
甌梅竹逾精神茆亭覆石上風月為主
賓芸軒矮且陋著書掩柴門襤襪非
我朋心知遠見親神閒多暇日棋局
見本真雖居赤縣會每結青山雲鱗
鱗十萬家刀錐忘夕斫茲山豈遠遠
煙容自津津四郊願寧謐永作草茅臣

遠離別

近別不顧家朝往仍暮還遠別不顧家
出門寧計年出門復入門兒女相牽攀
鴻鵠懷四方豈受燕雀憐涼風

動沙磧劍歌慘不歡拔劍莫割水悵此離別難同胞遍
海岱所貴天綱全孔聖欲居夷老聃行度關意氣苟相
安豈在華夷間遠別即當別懷土非上賢

白雀詩

有鳥曰嘉賓結意公院深族類分摠摠中有三珍禽毛
羽白勝雪噉噉吐奇音卑尊與賤貴食宿明素心虞羅
得之喜言是世所琛飼以香稻粒嬌愛輕黃金置以白
玉樊鷲鳥不敢侵行將貢明主上林逝駸駸小鳴天地

白大鳴徹古今化國彙振德修能無滯淫類此蓬室士
懷美遵丘林一朝被爵命照耀巖巒陰永言復自愛野
田有遺吟

威鳳篇

景風布南服晨曦射丹臺威鳳何契闊千載一徘徊聲
響世不傳簫韶昔所諧虞庭既寂寞岐下亦蒿萊孔雀
與野鳥朝代紛疑猜今時夫何如天末鳴喑喑乃有搏
牛蚤附托凌太階此曲不可竟九土方喧颺

短歌行

跨馬出郭門馬疾不踈鞭長跼挽君馬聽我歌一言涼
風戒芳樹白露凄寒蟬君子有所思遠遊及幽燕在家
人所愛去家人所憐朝饗不及殮豈得戀膝前下有黃
口兒上有滄浪天今時何清廉盡室難遠遷但見被雲
錦麻象無棄捐獨行多辛苦加餐以延年

寄惟可

褰裳采杜若江水何瀾瀾借問采何為將以遺君子人

金史四九二
卷一下
心無終極天涯豈伊邇
迅節易載陰往事更此
僂時危
生計拙何以托疲繭
桂枝有晚芳芙蓉在秋
水非無歲
寒姿亦逐江草萎櫟社
神所祥永言葆玄理

寄顧九和侍講

昔在吳子國對君啟心
懷朝遊太湖水暮宿姑
胥臺狂吟各寫志醉倒
黃金壘張衡賦四愁王
粲興七哀同心而同調
一嘯卑九垓翩翩海鶴
舉颯颯天風來煙波忽
相失各在天一涯君為
九霄翰我似窮途埃音
書阻歲

年次寥隴間梅亦有芳菲草念子思悠哉遲暮不我顧
零落同蒿萊

送李道夫赴闕兼懷仲默

強敵且搆患我友之朔方朔方萬餘里金門鬱煌煌下
有避世士大隱而誕章十年風塵深寂寞中省郎食祿
侏儒下修身思何長我有薜荔裳因子遠寄將一以存
苦節一以昭不忘

歲暮懷京華諸友

憂思若不徹歲暮登危岑關山百二重江水渺且深水
深亦有涉山阻亦有臨念我諸同袍一息斷風音君為
天上鳧我為水中魚飛潛自情性安能識盈虛遙望北
斗星不見北斗城參辰俱在天牛女亦分明同域而相
避何況異天地

遊子篇

騰彼不周風喟然思九夷九夷限波嶺遊子逝何之馳
車越幽薊天路逾險巖齊州豈不戀嚴威剝人肌襜褕

可禦冬所懼不予貽在賤貴所忽在遠邇所遺子去華
衣馬敦我忱慨詞

贈道夫四首

華軒戒昧旦之子赴北闕叢林無繁條天氣正十月中
遠判綢繆豈不念鷦蜩贈子金琅玕吶吶心結惛京觀
多緇塵終風永夕發修坂無逸軌知者備失屨故家亦
有懼浮榮亦有歇志士無間居國憂固艱晚持子東門
行微言不堪說

其二

大道未底夷回颺無時起君子思致身小人亦踉蹌結
綏晨出門長道從茲始馬周一布衣埋迹殊無似常何
出片言玄纁轉躡躡一旦白板扉光彩連州里拙哉孟
浩然非無聖天子平生得意句獲落入泥滓咄咄歸南
山悠悠謝朝市顯晦無賢愚自古靡不爾蘭若言永懷
忽逐春華萎

其三

頽風吹出水飲子白玉杯意長酒力微日暮倚徘徊十
年綈袍戀歲杪起離哀咎愆孰與陳遊行孰與偕故國
不可居魯生行鑿坏金臺何萃律首山亦崔嵬茂子竹
栢心餘陰及枯荄

其四

富貴苦相迫師徒多遁巡况當強盛時誰能分沈淪之
子仗劍出舉足生煙雲河淮漫浩浩中有要路津豈忘
風波恐壯士念委身陳霜沍修途落月經枼振良友志

異域此意難重陳
欲扳時無何欲往
道無因願為雙意
而飛飛出城闈

擬古

勛名不可圖
嘆彼時運乖
佳人處幽谷
心思日如摧
未
肝柴門閉
盛年不克諧
豈無合歡意
蹇修孰與媒
霜闈
雲被寒玉顏
暗中頽
翹首孤飛鴈
雖離令心哀

宿石竹巖

寢痾坐情累
削迹離故家
屆茲仲如月
氣候清且嘉
迢

迢紫雲洞渺渺天一涯尋壑滯瀑流攀岑悟靈芽干峰
遞生態百草互吐葩周覽蕩節物況乃凌紫霞神仙彷彿
遇尊我營丹砂丹砂未易營緇髮早已華神理寓隱
顧時變增感嗟至人有逸念存形非所多

苦辛行

貪清不自愛歷歷疏遠目緬懷雲居勝駕言陟曾曲樛
料遁斧斤岐徑積樸檟雲棧紛當心不敢輕落足捫枯
驟戰兢披棘逾匍匐疋羸無奈何況復迷浚谷雖無夔

金少正人卷一
卷一下
芊恐詎測蜒虻伏少焉青霞深轉訝白日速山海信偉
觀何以慰予于我生孰驅迫自致窮途哭伯陽不出門
世路了如燭願昭籤子誠或免華山辱

王右軍

右軍鸞鳳姿初蘗寓隆想沉睡乃真覺坦卧亦疎朗臨
池灑妙翰抗意風雲上籠鵝事偶然草經有攸往

少谷集卷一下

欽定四庫全書

集部
少谷集卷二
三

詳校官庶吉士臣李如筠

中書臣劉源溥覆勘

總校官知縣臣楊懋珩

校對官編修臣沈清藻

謄錄監生臣黃臣鵠

欽定四庫全書

少谷集卷二

明 鄭善夫 撰

五言古詩

草堂大風雨徹夜懷田家

早魃自首夏令茲山吐雲翛然草堂前彷彿氣候新
迅雷霹靂積陽乃沉淪振風颭而至凍雨猶傾盆中夜
想抱被寒燠忽爾分回思前幾宵始得一爽神平明窺

少谷生意復津津乃有棗與榴落地紛成困緬惟收斂
畢農務仍苦辛造物詎可測且幸蘇勞筋陰陽未順序
吾憂尚無垠

出自郭北門行

出自郭北門松栢何續續白日不到地野草悲陽春仰
觀苦霧繁俯盼白骨新白骨火不化髑髏夜相賓颶風
嘯有恨大暮難再晨昔為囂市子今作廣野塵昔競刀
錐微今託鴟鵂親玄運迺如此彼蒼豈遺仁蒙莊達生

死緬邈煩愜津

孚齋

成心繡鞞悅僨驕不可拘脊脊廣運中吾道其何如置
杲亂藪澤太素成遽除畸人乘莽眇焦火蹈若無汎然
涉九淵木舟一何虛得一合衆萬瞻闕生明疏至情通
喘奐而况孚豚魚齋居霽煩想茲理守弗渝說巽苟不
虧化邦擴所餘睠言永登假去與天為徒

遊建州陶園和淵明擬古八首

南服翔燠風杪秋猶春和水乾坐濡滯木舟載悲歌名
園占原隰節物逝已多崢嶸甘菊叢綽約芙蓉花流景
瞻應接覩爾懷陰何

其二

少小秉耒尚擔簦遠行遊如聞赤縣外更復有八州車
轍苦未厭光景倏若流歸來守純氣遽然見丹丘乃知
不出門偃仰六合周王風久寂寞吾行將奚求

其三

四序遞興沒萬有乘始終景陽未停軌積陰已肅戎何
意松栢條蔚然乃獨雄糜糜田間草浙浙草上風凜秋
一披拂姣好會有窮遲爾採脂苓服食青山中

其四

羣山積莽蒼莽蒼當座隅萬木忻適所境幽鬱以舒細
霧宿陰洞叢茅亭廣廬東山抱遠志栗里賦閒居浮榮
曷足縻三徑不可蕪歲華日向晚吾道乃晏如

其五

東南有一士名節貞自完葆光歸田園散髮懶不冠白
魚入羞饌取色慈母顏幽居藏市廛白日以閉關客從
遠方至情話憂絕端酒酣命僮僕取琴為之彈希聲入
窈眇忽下雙紫鸞瞻言履昭曠相期逾歲寒

其六

秋登黃華山恍然見大荒前有樂天居後有歸來堂堂
居厰雲鳥回池亦森茫主人端逸念時菊翳坻場天寒
菊未華逸念齊嵩邱桴汎通永夕萬象爭低昂情景苟

不虧余何動迷方緬惟無窮門引領情內傷

其七

我行復中野怛怛自今茲蹭蹬勿重陳所傷命與時非
無青霞質素衣向已緇側聞雍門彈慰此中憂疑憂疑
卒未解至音已無辭古風落冥冥大道不可思王喬非
予願詹尹亦我欺江花莽消息遊子暮何之相逢東園
公遺我考槃詩

其八

楚江有杜蘅葉短不堪採越山有舜華秀色昏旦改不
如擷芙蓉遠意薄雲海美人隔秋波秋容澹相待悠悠
鷓鴣冠子遊世豈有悔

北鴈步雲詞

昔我夢翼飛去與王子親雙雙鸞鳳簫吹破緱山雲翻
身大火坑洗髓明河津焮然馭白鹿下宴瑤池春枉駕
鴈宕陰玄冥閉天閣醉掃千丈石萬劫留至文只今靈
峰洞元氣猶氤氳悲歌草木偃坐嘯天地聞歸來鏟光

彩大隱金馬門君看東方生至人伏垢氛詎羅不了道
一壑空云云

業書樓

台南有高樓下瞰澄江水飛甍流雲疏櫺一何媿重
幃無長物三車擁圖史中有偉丈夫是百世士連緡
十二經咀爾蕩其滓緡罷三嘆息回首鴻濛裏迺知無
物初萬軸皆糠粃青藜宵到門欲語餘一指目擊道自
存我愛溫伯子

北山詩二首

朝發委羽陽暮赴紫霄期南遊歲向晚戀此溪山奇終
風豁初霽陰谷雪已晞振策陟曾曲蕭然見茅茨疏鑿
信未倫情景殊匪虧新松會多翠遠江亦不迷素月明
當中坐久生靈臺少焉寒威重尚覺陽氣微良朋矢為
好茲生幸未衰本性苟可遂毀車去何疑

其二

東行寓遊蹤逸軌迷西還矧茲玄冥月翳翳風景昏非

無兒女懷所適山海觀陽崖冒遠陂陰壑注奔湍步雲
青峰頂搜括窮其源前有空明洞萬徑迴巖巒駕言杲
玉華將以遺所懽倏然雲霰集置身虛無間大道出死
生靜者見腑肝願招柱下史去入無窮門

燕集玉輝堂

窈窈巖壑姿迢迢契幽蹟緬懷天台勝遂寄山水癖赤
城淹歲晏所戀有三益壯陰屈微陽關山雪盈尺雖嗟
軌路阻稍喜緇塵息巾峰入草堂天葩進瘳瘵美人羅

金屋藏嬌 卷二
公車求友意何極
文筵麗竒態流觥
樂無數鹿鳴紛諧
和造適非絲革退
念兼與葭茲幸附
圭璧覩空悟氣機
體有見真色吾道
未榛蕪輒然露胸臆

送何仲默遊關中六首

跨馬出薊門
馬行不旋顧
丈夫重高劔
狹徑有矩步
狹徑非所遵
將子恐歲暮
多財乃善賈
長袖乃善舞
巍巍西昆丘
矯首以延佇

其二

延佇如奈何離居生怨惜輸心風雨夕執手衢路側神
交無古今長道有羽翮晤言念彌久去去結松栢女蘿
乘飄風捲此中乖絕

其三

弱齒逃篇翰中遠謝華藻深文用情性鞏悅日已掃簫
韶奏虞庭鳳凰出瓊島至音動天地和者一何寡永言
承德輝別爾乃草草

其四

登高望咸都送子過易水朔風何蕭蕭黃鵠逝未已肴
函列百牢涇渭亘千里西當太白窟代有隱君子長孺
用高義壺遂且遠舉古道存遺編睠爾托經始

其五

崦嵫下西日翳翳風景昏虎豹扼九關廣利那復聞重
華不可晤聖智乃沈淪鴟鵂日連類鵙雛遁其羣矢言
引高步行止遵時屯

其六

杪秋行終南箭括高刺天黃河從天下列宿相勾連何
意紫極北狼嘴張其躔南開蠶叢山北俯邛與酈廣野
闕無人草生鬱芊芊塵飛苦無象谷變會有然行哉殖
元氣皇圖壽萬年

武穆吟三首

南瞻岳王墳拊心訟宣和四海既無虞樂事一何多師
師入帝側金兵乃星羅舊時張諫議天闈語非訛但見
戶括金不見士荷戈回首靖康末志士悲如何

其二

太尉出世姿用兵自神武懷中左氏傳羞與絳灌伍燕
雲唾手得甲卒盡熊虎北開玄冥天南靖朱光土國耻
猶未雪百勝曷足數誓將與諸君痛飲黃龍府不觀頽
昌旗氣已吞邊部

其三

英雄無奈何氣數乘人事宋德但未光椒房生夢寐北
狩不可返上天有成意壯士自苦心奸臣自長計蠟書

晨到門將星夜墮地平生四字符竟落氣數裏桓桓蜀
武侯殺身志乃已

佳人篇

青青孺畔蕉粲粲空谷女頭上金錯釵宛宛鸞鳳舞腰
間碧玉佩娟娟下蘭蕪言採草中英不踐草上露新製
齊紈扇自障復自顧非無合歡被防身密如堵飄風吹
楊花夫君渺何許長恐時易沉裁悲以延佇

贈呂愛員外

秋雲會崇臺觀子意彌遠新知何草草半饑迭酬勸同
生不盡歡異世乃增戀真交重意氣豈必日繾綣叢菊
有遠芳女蘿有深蔓大道淪滄溟相期汎波瀾

芳樹篇二首

芳樹生廣除蒼蒼正輪囷芳樹不自芳拂拂干紫宸朔
風吹樹巔素雪舒其神今日曷不樂公堂有嘉賓把酒
對蘭楹懼來不能陳微言托哀竹惠心款以伸

其二

吾皇嗣歷服神武古絕倫拔劍下大荒裔夷率來臣大
食獻寶刀大宛獻麒麟單于獨犯順戎衣不及晨軍聲
動地起旦日至西秦分金賜五侯衛霍不受身萬國拜
稽首三祝何諄諄但令修文德王度永無愆

早起赴思道索飯

晨朝不舉火去扣故人門坐見相忘意終銜一飯恩醞
謀蘇軾婦蔬摘長卿園童穉能看客文章不諱言粗豪
吾豈敢道誼爾應存陶令時獨往杜陵歲七奔從來略

溫飽以此信乾坤萬事羈孤極元憑好弟昆

蘇蕙娘織錦七解

扶風蘇蕙娘織錦不下堂朝朝理機杼字字迴肝腸織

就遠寄將夫壻在襄陽

一解

夫壻別有權置妾長門旁

新愛正糾結舊恩一時忘

二解

仰看天上星環轉如車

輪經緯自有度卑尊豈無倫憑妾手中梭慙妾心上杼

縱橫八百字反覆合成言妾心方悔悟君心儻回旋

三

解

蒼蠅點素縞嫉妬無愧好憶昔君別妾人事何草草

君逐陽臺雲一去斷音耗妾似芙蓉花芳妍向誰道四

解朝雲歌未已隴水鳴不止願作青陵臺同生復同死

五解琉璃易破折紈扇輕一擲生前參避辰死後致魂

魄六解白頭且莫宣紅顏多棄捐安得實連波解妾回

文篇七解

贈汪希周

朔風吹歲花之子意律光矧茲日初度乃值履長月賓
筵擊朱絃調急新商發君才當雄飛一舉偃溟渤培風

向天池九萬豈天闕終焉到彼岸去去忘其筏北辰久
未安欖槍耀雙闕睨爾孤矢志翻身射星孛大業猶次
且誓言共黃髮

妾薄命

翩翩並命鳥步步相諧悅中道忽分散鳴訴哀以切有
生諒同懽有死願同穴衆雖羽翼短詎忍兩訣絕蘭芳
不如桂茶苦不如蘖妾身未能亡惡此中衰歇雙星下
洞房流景何光潔照見君衣裳不見君顏色重泉賸有

期海水亦有竭巍巍蒼梧山竹淚無時滅

燕歌

雲鴻下雀羅越客變燕歌燕歌聲激烈越客悲奈何長
歌劍斫地短歌髮直豎朔風吹易水四座俱隕淚少年
羞睚眦壯士重意氣拔劍殺仇家生死無顧忌猛虎欲
攫人不擇愚與賢食膽中自知豈避猛虎前出門遠孤
征雄劍終夜鳴竄身脫蘆下亡命入幽并幽并多豪俠
結交踰平生杯酒接然諾信義何分明白日高漸離筑

聲愴以怛田光為君起片語謀立成荆卿獨忼慨舞陽
乃輔行上馬報仇去土花照青冥秦庭事一就千載揚
令名

游俠篇

長安逢少年意氣何昂昂鳴鞭六陵坂先驅勢正強戒
途列萬騎一一羽林郎鏡吹動地來颯沓若雲翔面前
五花驄寶馬金絲韁腰間雙龍劍吳鉤飾英璜弄兒十
四五藉綺凝素光行行且游獵游獵及上陽張弧向大

漠忽墜雙飛鶴持歸平樂宴象筵歡未央借問此何誰
云是漢金張六年起卒伍一日傾侯王丈人天帝子出
入乘金閭揚聲重綸綺流歆爍朝堂逆鱗不可嬰太阿
手所將乃知朱門貴溢恩胡可量

沱水三章

仙人騎白豻遠在蒼梧山我欲往從之沱水深以瀾沱
水深可厲蒼梧鬱鬱岿

其二

雲門何皇皇遠在洞庭岸我非沱上鳧日夜汎波瀾

其三

言采薜蘿草思心倏如摧不見王孫歸但見章華臺

同心結三章送林德敷赴齊東

文旗出郭門念子赴齊東攬衣起躑躅嘆息不得同鳳
麟久增逝爰居亦避風冥運方險艱去去隨短蓬

其二

短蓬逐晨風轉徙無滯淫我其鴻與燕乖坼一何深雲

臺志莫就奄忽昔與今平生廣陵散寫此歲暮心

其三

歲暮心匪夷哀絃久斷絕與子不殊調胡忍相訣別臨
淄錦綺場子去守饑渴願保金石志慰我腸百結

五子二首

曹王振大雅抗懷逐游龍江馬亦決驟連翩乘上風汪
生何慷慨接響蒼雲中京洛五鳳翔矯然下梧桐和鳴
正以則至音激黃宮叔世競蟬聒置爾荆棘叢上林逝

金史紀事本末卷二
卷二
若脫遐趾隨斷蓬素絲易以染姣女難為容行矣斂華
飾達人有深衷

其二

太山五株松冬夏恒蒼蒼涼風旦夕勁聲聞一何長聲
聞曷足貴所貴蒙雪霜東封翳隆爵俛首以徬徨何言
悒懨勛乃見斤斧傷蒼顏日摧頽卒歲增慨慷但令本
根固繁條會有強依依女蘿草永言附遺芳

安期生

人言千歲公昔在阜鄉亭賣藥青海上徒聞千歲名雙
留赤玉烏玆重報秦庭東指蓬萊頂風波連紫冥河津
不可渡誰識安期生

我昔遠行邁

我昔遠行邁飄飄度溟渤洪波浩漫漫東下遍窮髮蓬
山彷彿見鼇足互興沒回瞻赤霞城照耀金銀闕道逢
五行仙姣好若冰雪璘璘白鶴車翩翩逐雲月導我探
魚腸迺得餐玉訣入山採黃芽和之以瑠屑服食引奇

金史曰凡卷三十一
卷二
齡秘訣不敢泄斂衽入懷抱三載字未滅歸來歷故都
不復見物色回首望徽音徽音已斷絕桃花源不昧去
矣忘其筏

蘭陵贈王誕敷使君

何處見君子蘭陵西上門坐看蒼翠色蔚蔚照熊羆爾
本蜀中彥才如橫海鯤余方閩地隱夢逐故山猿鬱彼
風雲志潛然廊廟言並收弘治籍惟戀孝陵恩漢主親
戎陣書生俎豆存迢迢去住意一與醉芳樽

遊張公洞二首

阮籍懷廣途，盧敖歷四極。尚慙壤蟲隘，或哭周道阨。伊
余抱末衷，迺泝二子迹。北遊費歲年，東歸睠幽蹟。豈不
念窮路黃鵠，有羽翮陽羨。山水區西莫，洞庭側岳扉。靡
雜卉菌芝，類盈尺。昔有攝生者，於此煉金液。空筌夙所
慕，靈洞杳莫測。寒泉滴不散，千歲成瑛碧。中有科斗書，
漫滅不可識。竭來事冥探，宛若藐姑射。豈伊耳目娛，但
恐霜露迫。緬思縞鳳吹，儻值紫髯客。修觀竟十二，累累

卷二
及八百深功諒難期所志未忍息永服先聖訓至誠裂
金石

其二

乘槎陽羨湖延覽銅官山山氣何氤氳飛崖鬱而盤西
南有乳窟窈窕青雲關倏忽啟靈秘傳聞赤符間七日
混沌死鬼鑿永不刊神竅通十洲清淺呈琅玕玄陰伏
其下六月冰雪寒仙鼠與石燕倒掛風雷壇仙人度羽
去尚留九成丹爰有好事者裹糧澹忘還冥搜了無得

悵然回波瀾余亦採芝徒九載勤登攀九載在旦夕皓
髮凌朱顏尚子既畢娶坡翁復營田至人貴遺形細故
惡足牽

與原侍御鄭地曹遊虎丘

祝融氣已深行雲麗晴暉霜臺早見招驄馬來駢駢升
高目不極望遠神欲飛南風起木末吹我芟荷衣把酒
白蓮池長談暮忘歸白日無却顧浮雲紛是非麟鳳在
羈勒心事殊多違何當晤生公參破區中機

汎舟五曲謁武夷精舍

朝汎碧浪溪夕宿隱屏下洄湍激九折溯洑以東注丹
厓寫靈竒怪者莫可悟豈伊神理秘諒有鬼物護仙術
非荒唐宣聖有矩步滌流無窮門直以夫子故依違尚
友心謇謇恐遲暮終當據昭曠睠此結桂樹

龍溪

志士樂巖棲巖前幽鳥啼長風吹瀑布飛過白龍溪抵
道桃花發花源處處迷

古愁二解

出門采棠花風吹隴山木隴山未可行荆棘傷我足一

解隴山高以臨隴水阻而深不畏傷我足但恐傷人心
二解

偶書

神龍棲九淵志在天漢表終始養神德用九仍初九安
能逐鼃蟻泥蟠東西沼

志士篇

河伯誇秋水未知東海深衆人尚雷同安識志士心志
士有苦心心苦道自舒上山思采玉入海貴探珠至寶
非外假真詮豈予誣獨行何涼涼濶遵泝周衢雖無凌
風翰騰此適國都升天而遊霧惕哉子大夫

楊白華

裊裊長楊樹青青垂白花楊花攬不住春色若為斜如
何宮畔草萋鬱遍天涯

邊人曲

結髮事遠征能知邊塞情長騎汗血馬調戲郅支營大
小七十戰金鼓夜自鳴稽首兩賢王大開受降城匈奴
不可敵劍聲詎能平終生獨忼慨抗言請長纓

渡峽

凜秋行日夜短別去故里睠此有所思陟山復臨水重
峽亘天塹下足頓逸軌回颺激伏瀾絕流渡濛汜西崦
積暝色翳翳斂夕靡所憂風波集擊楫志未已至人乘
虛無君子慮終始蹈險乃真見履順有滅趾矢言涉大

川勿負橫江耻

遊石竺巖

少抱煙霞資雅志向林壑出門混世塵中達反墮落聞
道豈不早優游歲將迫言就巫咸問敬訪何氏宅石竺
敞靈界紫雲冒巖箔匪夢復匪幻乃見鶴上客長跪訴
悃誠曰予動迷錯授我靈光劍斬斷妖魔色竭來無窮
門灑灑見天德接手浮丘老感恩詎云薄乘雲凌高丘
永與世寰隔

題集山書院

大江貫靳黃中有碩士居抱壁重一擲探元破羣愚偃
卧大集陽悠然見蒼梧魯峰七十二芙蓉峻而都所戀
得依托寧能去園廬衆山止其巔百川求其瀦不觀洞
庭濶但恐周道紆白鹿有筌蹄衡岳空筍篥玄玄入疑
始吾與爾為徒

黃山雜詩十首

黃山如岱嶽蘿山若梁甫曾顛過行雲光光自太古咸

池蕩初景昧旦河已曙我夢天都行笑折扶桑樹

其二

燠風熙自南淑景變物色引領望巖阜光寵徧林薄撫
茲盛農節耦耕及南陌雖匪康莊良用歌帝德

其三

經始朗上原秬菽長如茨巖霏散叢薄谷風回春姿童
伴歌以嬉苦樂中自知甯生聲慷慨乃作霸王師

其四

黃山莫南服，蝶官分楚望。
連峰標天樞，結秀極地藏。
金鷄時一鳴，高鳥不能上。
睠茲俯滄海，窮歲夢波浪。

其五

藍田有嘉植，種玉世莫比。
靈氣紛璀璨，熠熠寰區裏。
珠碧奴視之，琳琅乃支子。
不遇後車載，終伏磻溪水。

其六

回溪下釣緜，溪水見我志。
緒風揚伏波，伏風不起中。
有雙文魚，篋篋不受餌。
履茲釣鯨鯢，掬擊東溟水。

其七

園廬春欲至歲事此伊始采芳入層雲散髮不及理蠶
眠桑柘繁土膏農務起龍鬪未敢聞巢父正洗耳

其八

殊灘流湍水壑龍無時吟水流木葉下宛轉歲序陰歲
序倏以改丹砂仍費尋蓬閣儻可求去矣極高深

其九

崇巒互經亘靈氛厥玄蓋天風散鼓鐘旦夕發清籟日

晏紫芝出山靜幽鳥萃真機秘心賞要在達者會

其十

停雲扃重闕蘿風墮天聲遐構名山陽允諧真隱情詩
書豁俗韻巖丘湛性靈鬱彼漆園篇聊用得吾生

謁紫陽精舍

竒遊歷四窮茲山負靈勝翠川玉篆繞丹巘瑠花並浮
桴臨星源仙踪煥雲柄圖經究不爽神理杳莫竟緬訝
開物初豈無稽天浸懷山谷就變赴坎槎交迸迹竒易

讚揚歲深改觀聽竭來幔亭宴渺渺論神聖諒同武陵
源去為羸民病梵蛻昔所誅真函此須正所以紫陽翁
不履黃庭徑遠矚悟氣機內照見真性永持哲士誠修
身俟元命

雪情登闔閭城

屯車闔閭城北風吹我纓殘雪輝遠山牛羊縮郊垆四
望靖氛祲何以烽火明荆豫復梗化巴渝未休兵東方
亂新定詎可言太平淮蔡連齊梁繁華轉凋零新鬼夜

羣嘯貪攘日相乘闐闐少人煙狐兔行其庭向來膏腴
地眼見白草生白草何田田不足飽蝗螟縣吏尚夏楚
餘民死誅征我生夫何為罹此百憂并拔劍出故里捧
心向明廷八月過沛水長路愁榛荆宵雨惻野哭晨風
起鷄聲空日積悲憤豈不懷志誠承乏下三吳伏枕惟
獨醒遭逢想馬周筓然慙匡衡客從北方來因之問神
京狸鼯宣慢惱鳳麟多自屏荃蕙委厥美艾椳朝盈盈
語罷各掩涕使我心逾怍捐珮遺故人奮我非衆馨媒

拙終受詒好好修誰共成吳儂亦有謠辛酸不忍聽東門
有瓜場予亦將歸畊遲遲俗士駕望望靈修情

子夜歌三首

梅花在嶺南儂歡在山東梅花歡所愛不得附冥鴻

其二

客從海上來遺我雙鮫綃鮫綃是何物留此比瑠瑤

其三

山有並命鳥關關感人心中夜有所思澄江不如深

歲晏行

終風薄旅衣遊子行天涯
天涯行不息歲晏有遠悲
出入盜賊間進退昧所之
休駕入彭城身在猶驚疑
問舍得所安聊憫兒女嗤
故人皆鮑叔眷我情委蛇
論文具鷄黍旬日以為期
駕言東問津相送洪水湄
中原且多難伊人復生離
握手寫肝膽我舟行且維
感此綈袍思有心終酬知
但恐喪亂後會晤無定時
努力將奈何惟有長相思

湖上

太湖何澌灩歲晏亦自好長風西南吹天水共皜皜遙
峰七十二恍恍紅雲島洞天在空濛流水隔煩惱昔有
綠毛翁於此采玄草至今白石牀風雲為持保聞茲生
古心携艫事幽討良朋既同調遠客亦傾倒鼓撓乘龜
鼉凌波擷蘋藻汎汎景將入默默意未了方壺不可問
滄海恨無早歸循去時路木盡乾坤老

羅浮四百峰贈湛甘泉編修還嶺南

羅浮四百峰劣削連青旻中有甘泉子頭戴玉臺巾伏
火燒丹砂趺坐三千春下憫世溷濁飛鳥京華塵西歷
太行山北渡長淮津瘡痍滿道路此意長諄諄回思葛
稚川睠言慰所親傾蓋姑蘇陽探春五湖濱更欲折梅
花持以遺遠人相從不可得獨步采江蘋

遊天平侯思道不至

曉起發吳門遙望天平山秋風吹松濤入我衫袖寒白
雲無朝暮好鳥聲闐闐良朋期不來獨遊心無歡駕言

問名泉高興猶未闌山僧導我入桂樹聊躋攀我眼日
已飽我身殊未閒平生抱丘壑三十驅塵凡尚恐豺虎
劇不敢緣其端願從華陽君五岳時往還

居杭旬月遲王員外不克先赴閩州

昔我違京師秋月始生魄今我離越鄙凍雪迷廣莫良
晤無久期達節守駒隙與子同派波復作中路折上天
黑猿嘯下水白蜃斥如何臨歲晚迺爾事行役寒日下
荒蕪雲林正蕭槭檣烏旦暮轉遂有川塗隔悠悠次寥

天切切風雨夕神交諒不爽萬里日親炙

夢戴當仲二首

之子不可作壺公無春安毘陵江水深游魂歸未歸風
波闌汝東虎豹咆汝西北走隈冰雪南征多蝮蛇年少
死道路斯人更流離何以入我夢明我長相思萬壑真
淼茫三泉苦隄陝天高猿鶴冷尚有鍾山疑

其二

交遊滿江漢誰復更如子讀書京華塵相看忍羈旅訴

金匱山房詩集 卷二
心風雨夕潦草各別去云胡大宛種一蹶千里路朝陟
洞庭山山遠不可處暮航太湖水水濶不可渡精靈復
何為白壁已黃土落月哀杜鵑切切復延佇

寄思道二首

中歲倦六籍出門事遠遊遠遊于何之五嶽還三洲一
鴈雲中鳴訴訴如有求芒鞋歲月晏得壘東海頭談文
竟晨夕亦足銷吾憂相期每自勵志決天河流阨運當
奈何捷徑不可由鳳鳥化梟鴟繫乎行當休南湖煙水

闕去去狎白鷗失得勿復道上遡多前修

其二

闌雲翳日景埃風起拔木我前駝白狐我後舉黃鵠我
生值巖嶮行止不可卜椒蘭擲道傍葦蕒以為馥楚璞
胡為爾和氏刖其足祗修防二兵古道何時復將子田
商陰商陰有黃角

虎丘與近夫太初同遊

余幼寡好尚所求在岩巒青鞋白接離蒹落三吳間良

朋偶云集結我以歲寒殷郎自東海孫子自函關霜月
明楓江駕言虎丘山歸雲擁絕閣下視空塵寰騰身慕
黃鶴延年愁金丹願言事支遁孟浪烟霞端

悼志

豺狼立道周行旅限東西我生理酸楚歲暮猶麻衣盡
室出故里生涯多差池萊妻對我啼稚子日受饑形容
飽風雪推折非平時世事就澆涼吾道將安之三韓在
何處黃金不可為焉能有羽翰飄去從安期

役役

役役不自息旦夕白髮新衆非紛往來誰能超世塵
早年失所依迷誤三十春讀書不聞道空負見在身
伯夷北之海宣父西問津行藏各有以予將希其倫
青袍豈心事白雲終我鄰罷官亦何難去去完吾真

陪王中丞夜遊治平期到上方不果

湖上興不極復治東山具執策入治平繁霜濕衣屨
山僧不好客高卧闔庭戶清商動木末靜聽不知處
遥看

上方勝子夜發襟素情長事乃違咫尺不得據月落空
歸來寒猿挂深樹

吊古戰場

昧爽發汾水崇朝經白溝茫茫古戰場四時天為秋斷
魄化腐草精靈化寒颼英雄不可招世事如東流惟有
戰士骨萬古無人收依依野草黃惻惻行人愁行人愁
未已四海方戈矛

謁李延平書院

綠槐夾青山中有古書屋行舟劍水濱弭棹叩芳躅長
風薄衣巾六月無三伏先生萬古心一旦付雲谷通來
四百年民用如菽粟溪山發幽想吾志尚鴻鵠下有清
冷泉一飲成三斛

石湖夜泊懷近夫思道二同志

移舟石湖路敬訪石湖水湖光上衣白夜景正如洗疎
星散明珠淡月在湖底趨橋納微風沿澗蹇芳芷美人
不可作吾道滄波耳歲晚誰與期棠陵石川子

陽山與方思道同遊書事

晨光淑初夏野意招遊蹤策馬陽山行所親遠來從下
馬結桂枝道穿白龍宮藉彼宮裏草乘彼桂下風渴飲
丹井泉泉甘思慮空希君遺人世相將尋赤松

虎丘懷古

截截虎丘山盤盤闔閭墳墳頭閱古蹟劍池三千春蛟
龍水中藏白日噓煙雲圖王事已空萬骨成灰塵湛盧
南入楚神物焉能馴不必賣薪女王氣已湮淪

冬日與顧九和殷近夫孫太初顧與成遊太湖
漫漫五湖景役役百年客霜容舍廣墟申椒不勝摘葭
管復氣候歲序莽消息羣山一何蒼遠水一何白燕臺
既迢遞玄圃又懸隔終當吸沆瀣去去結松栢

秋日尋友清溪用韻

深秋足爽氣蓮社有雅集我從西丘來蒲龕甃棲戢清
溪在城市八月違暑濕褰裳涉溪水水芳遲余挹庭菊
未吐華亦有翠可拾悠然發遐想西風鳴鴈急

虎丘與思道同賦

西郊下木葉商意殊不惡舟輿滯虎阜言覓方外樂招
攜心所歡日暮倚高閣沙彌事簡澹菜飯謝杯勺雲霞
閣外留野興忻有托相期無奈何歲晏與俱作

感興二首

仰觀北斗星遙望北斗城天上故歷歷地下何溟溟中
原萬餘里數載風塵驚憂悲直懣天聊以舒我情情長
天更遠矯首看鴻冥

其二

天河白如銀，隔水處牛女咫尺不相從。
烏橋渺何許，年只一夕倉卒修雲雨。
金鷄催早發，回車不得住。
含啼理支機，尚悔當年事。
亦勝參與商，睽離永終古。

題白雲泉亭子

白雲在亭上，清泉在亭下。
我本山中人，來結亭前樹。
雲泉甘且冽，予心永終慕。
塵機久未息，禪機當早悟。
芬華隨高秋，淹留歲云暮。

盈盈丹棘花壽張母

盈盈丹棘花歲寒麗奇姿樹之高堂背日有春風吹物
貞本則固凝霜不能欺佩茲曰宜男采采心自怡駕言
贈佳人金光以為期

和思道

取友天下半今得方子焉為官不受羈修身將到仙葉
縣王子喬勾漏葛稚川明年適百粵期子羅浮巔

菖歎二章贈鄭子漢

葛歎何葱葱乃在澗之濱歲晚開九花世人不得叙秘
之嵩山陰以竦九疑君念彼蒹葭草芊芊彌廣津

其二

葛歎何青青乃在山之隰歲久生九節茹之可絕粒華
滋謝秋風憐爾固獨立吾將舍芝苓薄言采芳芷

天台二章為應節婦賦

天台有方竹歷歷山之嶇竒姿奪春色標節方不渝天
寒冰雪繁清陰固自如南方有佳人貞心與之俱

其二

天合有方石光潔宛如几大者何崑崙小者盡齒齒不
是雕琢力豈無神鬼庇南方有佳人貞心與之比

少谷集卷二